

# Fokofpolisiekar, Morning Star, Durbanville

die ster wat ek volg  
volg tot sonopkoms

ek verstaan beter as wat jy dink  
soort soek soort  
net die braafste dwase spring oorboord  
tyd leen sy wysheid  
aan wie geduldig wag  
die nag wys sy geheime  
vir die wie se oe  
aan kan pas

die ster wat ek volg  
volg tot sonopkoms

soepel en sag  
aan die buitekant  
maar daar's 'n diamant  
waar jou hart moet wees  
my skat

hierdie stad het jou by my gesteel  
ek hoop die waarheid  
kom by jou uit  
om as orgaan te funksioneer  
is gewoonlik onmoontlik  
vir 'n edelsteen

die ster wat ek volg  
volg tot sonopkoms

die N1 se stippellyn  
die half geboude brue  
vlieg by my kop verby  
dis vanaand vir nou  
iemand sal begrafnis hou

hierdie stad het jou by my gesteel

skemers op strande  
vakansiegangers  
die krag kan maar afgaan  
jy skyn tog helder  
jou rykdom begrawe  
tussen longe en are

foute maak al maak dit seer  
sweer dat ek sal aandag gee